



САНХҮҮГИЙН ЗОХИЦУУЛАХ ХОРООНЫ ТОГТООЛ

2018 оны 4 сарын 04 өдөр

Дугаар 127

Улаанбаатар хот

Үнэт цаасны компанийн харилцагчдыг шилжүүлэх тухай

Санхүүгийн зохицуулах хорооны эрх зүйн байдлын тухай хуулийн 6 дугаар зүйлийн 6.1.1, 6.2.2, Үнэт цаасны зах зээлийн тухай хуулийн 87 дугаар зүйлийн 87.5, Санхүүгийн зохицуулах хорооны 2016 оны 46 дугаар тогтоолоор баталсан “Үнэт цаасны брокер, дилер, андеррайтерийн үйл ажиллагаа эрхлэх этгээдэд онцгой нөхцөл байдал үүссэн тохиолдолд авах арга хэмжээний тухай журам”-ын 3.4, 4.1 дэх хэсгийг тус тус үндэслэн ТОГТООХ нь:

1. Санхүүгийн зохицуулах хорооны 2017 оны 48, 168 дугаар тогтоолуудаар үнэт цаасны зах зээлд зохицуулалттай үйл ажиллагаа эрхлэх тусгай зөвшөөрлийг хүчингүй болгосон “Ай трейд УЦК” ХХК, “Эм Даблью Ти Эс УЦК” ХХК, “Финанс линк групп УЦК” ХХК, “Говийн ноён нуруу УЦК” ХХК, “Превалент УЦК” ХХК, “Би Би Эс Эс УЦК” ХХК-ийн нийт 30 155 харилцагчийг “Бумбат Алтай УЦК” ХХК-д, “Зюс капитал УЦК” ХХК-ийн нийт 289 харилцагчийг “Би Ди Сек УЦК” ХК-д, “Бага хээр УЦК” ХХК-ийн 711 харилцагчийг “Өндөрхаан инвест УЦК” ХХК-д тус тус шилжүүлэхийг “ҮЦТХТ” ХХК /Ш.Лхагва/-д зөвшөөрсүгэй.

2. Энэ тогтоол батлагдсантай холбогдуулан дараах арга хэмжээг авч хэрэгжүүлэхийг зохицуулалттай этгээдийн эрх хүлээн авагч /Б.Долгорсүрэн/, “ҮЦТХТ” ХХК /Ш.Лхагва/, “Монголын хөрөнгийн бирж” ХК /Х.Алтай/, “Бумбат Алтай УЦК” ХХК /Ш.Энхмэнд/, “Би Ди Сек УЦК” ХК /Д.Даянбилгүүн/, “Өндөрхаан инвест УЦК” ХХК /Н.Оюунтунгалаг/-д тус тус үүрэг болгосугай:

1/ Тусгай зөвшөөрөл нь хүчингүй болсон нэр бүхий 8 компанийн харилцагчдын данс нээсэн болон үнэт цаасны арилжааны хэлцлийн анхан шатны баримтыг 2018 оны 5 дугаар сарын 31-ний өдрийн дотор хүлээлцэх;

2/ Тусгай зөвшөөрөл нь хүчингүй болсон нэр бүхий 8 компанийн харилцагчдын үнэт цаасны арилжаанд оролцох боломжийг хангах;


3/ Үнэт цаасны зах зээлийн тухай хуулийн 87 дугаар зүйл болон Санхүүгийн зохицуулах хорооны 2016 оны 46 дугаар тогтоолоор баталсан “Үнэт цаасны брокер, дилер, андеррайтерийн үйл ажиллагаа эрхлэх этгээдэд онцгой нөхцөл байдал үүссэн тохиолдолд авах арга хэмжээний тухай журам”-д заасан үүргээ чанд биелүүлж ажиллах.

3. Шилжүүлэн авсан харилцагчдадаа шаардлагатай мэдээллийг 2018 оны 2 дугаар улиралд багтаан хүргэж ажиллахыг “Бумбат Алтай УЦК” ХХК /Ш.Энхмэнд/, “Би Ди Сек

ҮЦК” ХК /Д.Даянбилигүүн/, “Өндөрхаан инвест ҮЦК” ХХК /Н.Оюунтунгалаг/-д тус тус даалгасугай.

4. Тогтоолын хэрэгжилтэд хяналт тавьж, олон нийтэд мэдээлэхийг Ажлын алба /Т.Жамбаажамц/-нд даалгасугай.

ДАРГА



С.ДАВААСУРЭН